



UNIVERSITÄTS-
BIBLIOTHEK
PADERBORN

**Scientia Salvta, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

319. feria 5. de Veritate.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

560 FERIA 5. DOMIN. 21. POST PENTECOST.

MEDITATIO CCCXIX.

FERIA 5. DOMIN. 21. POST PENTECOST.

De Veracitate.

Aspiciam Dominum IESVM, qui seipsum Veritatem nominat, in cuius ore dolus non est inventus. Petam eum imitari.

Conf. 1. Veritatem seu Veracitatem esse Virtutem, quâ verbis, aut signis, & quando, & quomodo oportet, manifestamus res ad nos, aut alios pertinentes, prout in se sunt. Non est satis ad virtutem verum dicere, sed verum debitis circumstantiis vestitum. Damnum afferentia reticenda, non profutura opportunitati reservanda.

Conf. 2. Incitamenta 1. DEVS veritatis summus amator appellatur Deus Veritatis. Christus unigenitus est plenus gratiæ, & veritatis; de ea testati sunt vel hostes Christi: *Magister, scimus, quia verax es, & viam Dei in veritate doces.* Spiritus sanctus, Spiritus veritatis, Non potest non adversari Trinitati, qui non amat veritatem. 2. Veracitas amabilis, & in confessione quoque proptiorum delictorum favorabilis. Mendaces infames fidem non habent apud homines. 3. Nihil ad docendum veritate facilius; nam dum quis falsitatem suam tueri conatur, eor labore fatigat.

Conf. 3.

tecost. FERIA 6. Domin. 21. post Pentecost. 561

Consi. 3. Actiones ejus. 1. Mendacium & simulationem ore fugere, corde detestari. 2. Quando, & quomodo oportet rem dicere. 3. Verum, si DEO placeat, non reticere, etsi mens nostra repugnet. 4. Cum obligamur, verum dicere, non illud tegere pro favore alicujus, aut nostro commodo. 5. Ambiguitates verborum, & ambages vitare, & res, ut sunt, simpliciter proferre. 6. Mysteria celestia idoneis patefacere, impuris, & indignis abscondere. 7. Promissa servare, nisi justa causa sit non servandi, aut in melius mutandi.

MEDITATIO. CCCXX.

FERIA 6. Domin. 21. post Pentecost.

De Virginitate

Videbo Dominum JESUM, de quo D. Hieronym. Lib. 1. in Jovin. ait: *Dominus IESVS praco Virginitatis*, Agnum in monte, quem sequuntur Virgines. Petam esse capax hujus virtutis, juxta illud: *Qui potest capere, capiat.* Matth. 19.

Consi. 1. Virginitas est Virtus, quam quis nunquam corruptus firmiter statuit carnis suae integritatem perpetuo conservare, & ab impura voluptate corporis abstinere.

Consi. 2. Incitamenta 1. Apoc. 14. *Sequuntur Agnum quocumque ierit* 2. Virgines similes Angelis, & quodammodo majores. Chry-

AA 5 solumus